

Verskillende name hoe God Homself aan ons openbaar.

Donderdag 1 September 2022

Lees: **Mal 4:2** “Maar vir julle wat eerbied het vir my Naam, sal die son van redding skyn....”

Psalm 8:1 “Here, ons Here, hoe wonderbaar is u Naam oor die hele aarde.”

God openbaar Homself aan ons met verskillende name om so Sy Almag, Alomteenwoordigheid, Alwetendheid en Sy Algehele verhewendheid aan ons te openbaar. Maar ook in sy Name openbaar Hy hoe Hyself by ons betrokke is in sy Almag.

Maar selfs in sy Name moet ons altyd in gedagte hou wat God aan ons openbaar in **Jes 55:8-11**

8 “My gedagtes is nie julle gedagtes nie, en julle optrede nie soos Myne nie, sê die Here;

9 soos die hemel hoër is as die aarde, so is my optrede verhewe bo julle optrede en my gedagtes bo julle gedagtes.

10 Die reën en die sneeu kom uit die hemel uit en dit gaan nie daarheen terug nie maar deurweek die aarde en laat die plante bot en vrugte dra, sodat daar saad is om te saai en brood om te eet.

11 So sal die woord wat uit my mond kom, ook wees: dit sal nie onverrigter sake na My toe terugkeer nie, maar dit sal doen wat Ek gedoen wil hê en tot stand bring waarvoor Ek dit gestuur het.”

Kom ons kyk vandag na ‘n paar name waarmee God Homself aan ons openbaar in die Ou Testament.

(Bron: <https://www.joydigitalmag.com/afrikaans2/die-name-van-god/>)

Dit is telkens name wat in die Hebreeuse taal staan.

- Elohim – God, Magtige Skepper
- El Elyon – God, die Allerhoogste
- El Olam – Ewige God
- El Roi – God wat my Raaksien
- Adonai – Heer, Meester
- Yahweh/Jehovah – Heer en Redder
- Jehovah Jireh – Heer wat Voorsien
- Jehovah Rapphai – Heer, ons Groot Geneser
- Jehovah Nissi – Heer, my Banier
- Jehovah Maccaddeshem – Heer, ons Heiligmaker
- Yahweh Shammah – Alomteenwoordige God
- Yahweh Shalom – Die Heer is Vrede
- Yahweh Tsebaoth – Die Heer van die Leërskare
- Yahweh Tsuri – Die Heer, my Rots
- Yahweh Roh – Die Here, my Herder
- Yahweh Tsidkenu – Die Heer, ons Regverdiging
- Qedosh Yisrael – Heilige van Israel

Maar ons het die voorreg dat ons God vandag kan aanroep in Afrikaans en weet wat ons bedoel en verstaan onder die aanroeping van sy Naam. Name in die Nuwe Testament in Grieks is...

- **theos patēr** - God is ons Vader
- **Iēsous Christos Sōtēr Βασιλεὺς** - Jesus Christus Verlosser en Koning
- **hagios pneuma** - Die Heilige Gees

Kom ons gebruik God se Naam of name altyd met die grootste eerbied en respek.

Mal 4:2 “Maar vir julle wat eerbied het vir my Naam, sal die son van redding skyn met genesing in sy strale.”

Kom ons bid saam

Ds Gerrit Kruger: Gereformeerde Kerk Centurion: Sel 082 964 5595: gskruger1@gmail.com